

4. November

Illersornissamut isumaqatigiissut 195-imeersoq tamassumalu kingorna tapiliussatut isumaqatigiissutit tassunga attuumasut nalilersuineramik Inatsisartunut (imaluunniit tatigeqatigiinneq pillugu isertuussineq pisariaqassappat Nunanut Allanut Sillimani- arnermullu Ataatsimiitsitaliamut) UKA 2016-imi saqqummiussinissaannik Naalak- kersuisut peqquneqarnissaannik Inatsisartut aalajangiiffigisassaattut siunnersuut. Naliliinermiisumaqatigiissummi naalakkersuinikkut aningaasaqarnikkullu akuusut nunatsinnut qanoq pingaaruteqartigineri nalilersorneqassapput, tamassumalu sania- tigut Naalagaaffeqatigiinnerup iluani Namminersorlutik oqartussat isumaqatigiissut malillugu pisinnaatitaaffiisa piginnaaneqarnerisalu erseqqissarneqarneri ilaatinne- qassallutik.

(Inatsisartunut ilaasortaq Sara Olsvig, Inuit Ataqtigiit)

Illersornissamut isumaqatigiissutip 1951-imeersup kingornatigullu ilassuteqartinne- qartup qanoq isumaqatigiinniutigeqqinneqarsinnaaneranut kaammattuutunik saq- qummiussisussamik Kalaallit/Danskit allaffissornikkut ataatsimiitsitaliaanik piler- sitsinissaq siunertaralugu Danskit Naalakkersuisuinut saaffigineqqullugit Naalak- kersuisut peqquneqarnissaannit Inatsisartut aalajangiiffigisassaattut siunnersuut, taamaalilluni illersornissamut isumaqatigiissutit aammalu Amerikamiut Kalaallit Nunaanni sakkutooqarnerat Kalaallit Nunaannut Iluaqutaanerusinnaaqqullugit.

(Inatsisartunut ilaasortaq Hans Enoksen, Partii Naleraq)

Inatsisartuni ilaasortat marluk tassa Hans Enoksen, Partii Naleraq kiisalu Sara Olsvig, Inuiat Ataqtigiit illersornissamut isumaqatigiissutip 1951-imeersup kingornalu tassunga attuu- massuteqartumut tapiliussat pillugit Inatsisartut aalajangiiffigisassaattut siunnersuuteqar- neranut qujalluta ima Siumumiit oqaaseqassaagut.

Nunatta nunarsuup avannaarpiaani suna tamaat qulangersimallugulusooq inissisimanagera nunat killiit ukiorpassuarni illersornissamut sillimaniarnerani apeqquserneqarsinnaanngit- sumik pingaaruteqarluni inissisimasimavoq ulloq mannaluk tikillugu taamak inissisimalluni. Ukiorpasuannugulersuni nunatta illersornissaq sillimaniarnerlu pillugit nunaminik pilliute- qartitaasimanagera nunap inuinit nunaqartunullu naapertuuttumik iluaqtissiisumik kingune- qartitsisimannngilaq.


Kalaallit Nunaat nunaminik Naalagaaffeqatigiinnerup aqqani atukkiisi-manera naalagaaf- feqatigiit iluanni kikkunnut aningaasatigut iluaqtissiisimanagera kialuunniit apeqqusersinnaa-


nngimmagu. Tamannalu allanngortinneqartariaqarpoq, taamaammat aamma nuannaarutis-
saavoq Naalakkersuisooqatigiit isumaqatigiissuminni tamanna ersarissumik anguniagassatut
naqissusersimammassuk. Naalakkersuisooqatigiit isumaqatigiissutaanni ima paatsuugassaa-
nngitsumik allaqqasoqarpoq: ” Naalakkersuisooqatigiit isumaqatigiissutigaat Pituffik pillugu
piaartumik qulaajaasoqarnissaa aallartinneqassasoq, aamma danskit naalakkersuisuinut
Nunatta soqutigisai pillugit nutaamik isumaqatiginninniarnert aallartinneqassasut”, kiisalu
”Naalakkersuisooqatigiit isumaqarput Nunatta nunani allani soqutigisai erseqqarissumik, tun-
niusimasumik akuunikkut illersortassagai tamaviaarutigisarlugillu kiisalu pingaarnertut ”
Nunarput nammineerluni Nunatta soqutigisai pillugit nunanut allanut isumaqatigiinniar-
titaasalernissaa anguniarlugu danskit naalakkersuisui isumaqatiginiarfigineqassapput.


Tamatta soqutigisaraarput nunatta iluanaarnerulluni isumaqatigiissutinit inissisimatinneqar-
tarnissaa, tamannalu angutserlugu pingaartumik suliassaarpugut ataatsimoorluinnarfigi-
sariaqakkatsinnik.

Ukiorpassuanngortuni Qallunaat pigisamittut isigaluta nunatsinnik atuinerat killissaqartaria-
qarpoq, uagullu qallunaanut tunniusimavallaarnerput aamma killissaqartariaqarpoq. Naak
Naalakkersuisut akissuteqaatimminni suliaq mianerilluinnarlugu ingerlanneqartariaqartoq
tikkuussiffigaluaaraat immitsinnut aperisariaarpugut:

 uagummi?

 Isumaqatigiissutip uumma iluani nunatta innuttai mianerineqarsimanerlutik?

 Nunap inuisa soqutigisaat pingaartinneqarsimanerlutik?

 Taakku aamma iluanaaqataallutik pissarsinissaat pingaartinneqarsimanerluni?

Qulequtaq una tassaajuartariaqarpoq tamatta soqutigalugu saqqumilaartillugulu ukkattariaqa-
garput.

Tamatigullu angutserneqartariaqarpoq Nunatta nammineerluni Nunani innuttanilu pillugit
isumaqatiginninniarnerni tamatigut siuttutut inissisimasusaaq aquummillu tigummissusaaq.

Taamaammat siunnersuuteqartut ilalerlugit qulequttat marluk inatsisartunik saqqummiun-
neqartut ataatsimiitsitaliamut susassaartumut ingerlateqqinneqarnissaa Siumumiit inner-
suussutigaarput.

Vivian Motzfeldt
Siumut